

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA**

**Broj: T04 0 KT 0065814 25
Zenica, 17.10.2025. godine**

**OPĆINSKOM SUDU U VISOKOM
-Sudiji za prethodno saslušanje-
VISOKO**

Na osnovu člana 45. stav 2. tačke i) u vezi sa članom 241. stav 1. Zakona o krivičnom postupku Federacije Bosne i Hercegovine ("Službene novine Federacije Bosne i Hercegovine", broj: 35/03, 37/03 ... 74/20, u daljem tekstu "ZKP F BiH"), podižem

O P T U Ž N I C U

Protiv:

D.L., neosuđivan,

što je:

dana 25.10.2024. godine, oko 08,50 sati u V., suprotno odredbama člana 4. stav 1. u vezi sa članom 19. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), iako je znao da je posjedovanje opojne droge zakonom zabranjeno, to je i htio, pa je neovlašteno posjedovao dva pvc paketića sa sadržajem bijele praškaste materije neto mase 0,526 grama za koju materiju je vještačenjem utvrđeno da se radi o opojnoj drogi „Amfetamin“ koja se, kao takva, nalazi na Listi opojnih droga, psihotropnih tvari, biljaka iz kojih se može dobiti opojna droga i prekursora („Službeni glasnik BiH“ broj: 8/06, 103/08 i 51/11) i to u Tabeli II (Tvari i biljke pod strogim nadzorom) pod rednim brojem 1. Popisa psihotropnih tvari, a koja opojna droga je kod istog pronađena od strane policijskih službenika ... prilikom njegovog pretresa po naredbi Općinskog suda u Visokom, broj.... od 18.10.2024. godine, kada se nalazio u stanu na adresi ul. Lj. u V. koji koristi lice R. M.,

dakle, neovlašteno posjedovao opojnu drogu,

čime bi učinio krivično djelo Posjedovanje i omogućavanje uživanja opojnih droga iz člana 239. stav 3. Krivičnog zakona Federacije Bosne i Hercegovine ("Službene novine Federacije Bosne i Hercegovine", broj: 36/2003, 21/2004, ... , 58/2025), u daljem tekstu "KZ F BiH").